

SA BOERPERD

Breeders Society
P O Box 1060
118 Henry Street
BLOEMFONTEIN
9300

Tel: 051-4100952
Fax: 051-4484220 / 0866670294



Telersgenootskap
Posbus 1060
Henrystraat 118
BLOEMFONTEIN
9300
Tel: 051-4100952
Fax: 0866670294

e-mail/e-pos: saboerperd@studbook.co.za

Morgan Proewe 2013

Ons SA Boerperd Ruiterspan span vertrek oor 'n maand Lexington Kentucky toe en daar heers groot opgewondenheid onder die hele span. Dit gaan 'n wonderlike leerskool en ervaring vir ons ruiters wees.

Die Morgan span besoek ons natuurlik in 2013 en volgens beplanning sal hierdie internasionale ruiterspan kompetisie tydens die 2013 Nasionale Kampioenskappe in Parys plaasvind. Die kompetisie sal dieselfde struktuur behou waar daar met een perd per ruiter in drie verskillende rystyle meegeeding word. Dit is natuurlik Standard seat, Saddleseat en Dryfkuns.

Die belangrikheid vir ons ras is dat ons die beste 12 perde (6 vir hulle en 6 vir ons) vir hierdie kompetisie moet hê indien ons ons reputasie as veelsydige perd van Suid Afrika gestand wil doen. Hierdie 12 perde moet kan inspan, ruiterspan toetse ry en tegnies kan aanpas tussen saddleseat en standard seat.

Ek glo dat dit werklik 'n eer sal wees vir die 12 perde wat uiteindelik gebruik sal word en dat daar goeie blootstelling in sal wees. Ons beplan dat hierdie perde 'n toekenning sal kry wat erkenning vir elke perd en sy eienaar sal meebring. Daarom wil ek u graag vroegtydig aanmoedig om solank in terme van die skoling van u perde u gedagtes te laat gaan.

Ons beplan om die 2013 SA Boerperd Ruiterspan tydens die 2012 Nasionale Kampioenskappe te kies. Ruiters wat kwalifiseer om aan die proewe deel te neem moes aan 1 SA Boerperd Streekskampioenskap en die SA Boerperd Nasionale Kampioenskappe van die kalender jaar waarin die proewe gehou word, deelgeneem het. Die proewe sal Maandag 1 Oktober in Parys by die Afri Dome plaasvind en daar sal van die ruiters verwag word om al die genoemde rystyle te kan doen. Hulle sal ook gevra word om perde te ruil en daar word na die tegniese toepassing van die rystyle sowel as 'horsemanship' gekyk.

Die proewe gaan die vorm van 'n interprovinsiale kompetisie aanneem en ons wil al die kinders bo 12 maar onder 19 graag aanmoedig om binne hul streke te groepeer en in spanverband te kom deelneem. Daar hoef nie provinsiale klere ens. toegeken te word nie; hierdie is wel 'n goeie geleentheid vir die jonkense binne die verskillende streke om mekaar beter te leer ken en lekker saam te kan spanbou. Ons huidige Ruiterspan sal as verteenwoordigers vir die streke optree en skakel asb met hulle:

Ansie Uys – Wes en Oos Kaap. Sel 072 441 0080

Hans Schutte – Wes en Oos Kaap. Sel 082 813 8789
Dedre Cloete - Noordwes en Noord Kaap. Sel 073 617 3339
Riekie Engelbrecht - Vrystaat en Natal. Sel 076 682 6748
Linda Meintjies – Mpumalanga. Sel 083 298 0078
Kristen Joubert - Gauteng. Sel 083 289 9221

Baie belangrik; elke ruiter wat proewe toe kom, moet **twee** perde hê vir oorweging vir die finale 12 perde. Dus die perd waarmee die ruiter aan die proewe deelneem moet tot voordeel van die ruiter wees en goed afgerig en geskik vir hierdie kompetisie wees. Dan kan die ruiter sy eie tweede perd nomineer of 'n ander persoon met wie hy reeds geskakel het se perd as nominasie gebruik vir sy tweede perd. Die finale 12 perde sal by 'n latere geleentheid gekies word en die ruiters het nie nodig om tydens die proewe beide perde daar te hê nie.

En dit is hier waar persone wat nie kinder ruiters het nie, maar weet dat hulle geskikte perde vir hierdie kompetisie het asb 'n hand moet uitsteek na die kinders toe en hul perde beskikbaar maak vir die kompetisie.

Ek heg graag vir u toetse aan sodat elkeen 'n idee het wat daar van ruiter en perd verwag word.

Hierdie is 'n toets en geleentheid vir ons perde en ruiters en ek verseker u dat daar deesdae met ander oë na veral ons ruiters gekyk word deur persone in die breë perde wereld.

Vir meer inligting is u welkom om my by 082 36 101 58 te kontak.

Boerperd groete

Liezelle